

## **Ukanikorongi u Kagita u Bituru**

### *Ukukpa u kadyanshi*

Bituru uza da u korongi Tagarada u na vi, kasuki ka. U rongo ta kabolo n Yesu. A'ayin a da Yesu panai ikyamba u wene ta n a'eshi a ne. A ukanikorongi u na vi, u yan ta kadyanshi n Atoni a asu kau-kau a kaci ka upana u ikyamba.

Bituru tonuko ta Atoni u da, gba a a'ayin a da baci upana u ikyamba u cina le, a yain mazanga. Cinda Yesu panai ikyamba a'ayin a da wari a likimba, nala dem atoni a ne u kana ta a pana ikyamba. Upana u ikyamba u tsu zuwa ta up-ityanangu u uza u doku u gbama. U tonuko le ta ukuna u shinga u Kashila wa ta n ele a'ayin a da baci dem a ka pana ikyamba.

Gogo-na Atoni a ka pana ta dem ikyamba. Kashila ka ta pini tyoku da wari. Ukanikorongi u na u naka tsu ta ureve a kaci ka ukuna u mayun u kulu u da wa banga tsu a'ayin a da baci dem tsa pana ikyamba. U tonuko tsu ta dem ukuna u shinga u shinga u da tsa yan, a'ayin a da baci tsa pana kayanyan ko tsa pana ikyamba.

### *Ili i'ya i'ari a Tagarada u na vi*

Idyani n kvasu (1:1-2)

Ili i maci i uzuwa u uma (1:3-12)

Kuryongo tyoku u ama a uwulukpi a Kashila (1:13-2:17)

Iryoci i upana u ikyamba u Atoni (2:18-25)

Uwoko u katoni n upana u ikyamba (3:1-4:19)

**Adooki ubana a asu u nkoshi n kuwa ku Atoni  
(5:1-11)  
Idyani i makorishi (5:12-14)**

<sup>1</sup> Mpa Bituru kasuki ka Yesu Kirisiti Kawauwi da ma sukunku da ukanikorongi u na vi. Ama da Kashila ka dangasai alya ma koronku. Alya aza da a'ari ndishi yavu amoci a uyamba u Pontu, n Galatiya, n Kapadosiya, n Asiya, n Bitiniya.

<sup>2</sup> Kashila Tata u dangasa da ta caupa, kpm Kulu Keri ku wulukpe da de. An u wokoi i nakai Yesu Kawauwi karinga, mpasa n ne kpm n za da de. Kavasuu ka va ka i tsara tsishinga tsu Kashila ushani, na ndishi n shinga n ne a uma u de.

*Atoni a yain n uzuwa u uma*

<sup>3</sup> Cikpalai Kashila Tata u Asheku a tsunu Yesu Kawauwi. Wa ta n asuvayali cika hal u doku u matsa tsu ilimaci i savu. Adama a ilimaci i nala yi da tsari n uzuwa u uma u da wari n uma, kpm tsu tsari ilimaci yi an a 'yangasai Yesu Kawauwi a ukpa.

<sup>4</sup> I naka tsu ta dem agadu a da bawu a ka namgba, n a da a'ari sarara kpm a ka kporo wa. Kashila ka ta n agadu a de a zuba, kpm wa asaka ko i te i sawa a da wa.

<sup>5</sup> I wushuku baci n Kashila, agadu a nala yi a de a da, kpm adama a ucira u ne, wa kanku da ta ili i cingi kotsu i sawa da wa, hal she u wenike iwauwi a a'ayin a makorishi. Gba ama a ka reve ta n ukuna u iwauwi i nala yi.

<sup>6</sup> Ili i nala yi mayun da, yanyi mazanga adama a ili yi. Shegai gogo-na ya pana ta ikyamba icun kau-kau a ukondo a'ayin kenu.

<sup>7</sup> Upana u ikyamba vi wa tuwā tā tsarā u wenike upityanangu u de u mayun u da. Upityanangu u de wā tā n kalen cika, u la tā zinariya kalen. Akina a tsu zuwa tā zinariya u woko sarara, shegai gbā n nala u tsu namgba tā. A'ayin a da baci a ka wenike Yesu Kawauwi a asu u ama, ya tsarā tā icikpali, n tsupige, n karinga adama a ukuna u mayun u upityanangu u de.

<sup>8</sup> Ya ciga tā Kawauwi ko an bawu kotsu i wene yi. Ko an u wokoi bawu ya wene yi gogo-na, i wushuku tā n eyi. Kpam ko gogo-na ya pana tā kayanyan n i yanyi mazanga ma gbam bawu ya fuda ya dana.

<sup>9</sup> Adama a da i wushuki n eyi, ya tsarā tā kune ku iwauwi i uma u de.

<sup>10</sup> Ntsumate n yan tā kadyanshi ka tyoku da Kashila ka wenike ukuna u shinga u ne ara de. A vece tā ben tsarā a reve ureve u iwauwi i'ya wa naka da.

<sup>11</sup> Kulu ku Kawauwi ka tā a asuvu a le, kpam ku yan tā kadyanshi ka upana u ikyamba u Kawauwi n tsupige tsa tsa tuwā ara ne a'ayin a da baci u panai ikyamba yi. Ntsumate mari ma ciga tā n reve ko nwere da, ko kpam nida ukuna u na wa gita.

<sup>12</sup> Kashila ka wenike le tā ili i'ya a ka yan kadyanshi a kaci ka ili i'ya ya gita, shegai a a'ayin a le a da ya gita wa. Ukuna u mayun u da a danai vi adama a de a da. Gogo-na Kashila ka suku tā Kulu Keri tsarā ku banga ama an a yanka da Kadyanshi ka Shinga ka kuɓari. Ko atsumate a zuba a ciga tā dem a reve ikuna i na yi.

### *U kana ta vuma rongo uwulukpi*

<sup>13</sup> Adama a ili i na yi gba, yawunsai mai i rot-songusu tyoku da ya kana kaci ka de. Yawunsai tyoku da Kashila ka wenike ukuna u shinga u ne ara de a'ayin a da baci Kawauwi ka gonoi. A'ayin a da baci ya yawunsa a ikuna i na yi, ya tsara ta uzuwa u uma.

<sup>14</sup> Nakai Kashila karinga, kpaci eda mmuku n ne da. Kotsu i gono i kpatala i yain ili i'ya bawu i gain tyoku da i yansai a uma u cau u de wa. A a'ayin a nala yi, i'ari i reve ili i'ya i gain i yain wa.

<sup>15</sup> Kashila ka dangasa da ta i woko mmuku n ne. U kana ta i woko uwulukpi a ili i'ya dem ya yan, tyoku da Kashila kari uwulukpi.

<sup>16</sup> Kpaci Kashila ka dana ta n kaci ka ne, "U kana ta i woko uwulukpi, kpaci mpa ma ta uwulukpi." ◇

<sup>17</sup> Ci6ai i tsu yan ta kvasu a asu u Tata da wari a zuba. Aya uza u afada, kpam u tsu wenike ukuna u shinga a asu u vuma te kapala n uza roku wa. Wa yanka da ta afada a una u ili i'ya i yain. U kana ta i naka Kashila karinga a'ayin a da ya yan tsumoci pini naha a likimba.

<sup>18</sup> I reve ta gai Kashila ka tsupa ta ili i pige tsara u wauwa da a uma u cingi u de, an u wokoi isheku i de i yansai dem nala. Kpam ili i'ya u tsupukai vi tyoku u zinariya ko azurufa da i'ari wa, kpaci zinariya ko azurufa u tsu barakpa wa.

<sup>19</sup> U tsupuka da ta na mpasa n Yesu Kawauwi n da mari n kalen cika. Aya Maku ma Kondom ma Kashila† uza da bawu u nusukai ko uza, kpam wa n ashinda wa, ko kenu.

---

◇ **1:16** Adkp. 11:44-45; Adkp. 19:2; Adkp. 20:7.

<sup>20</sup> Kashilā ka dangasa yi t̄a adama a ukuna u nala vi caupa kahu a yain likimba, kpam a a'ayin a makorishi a na yi Kashilā ka suku yi t̄a a likimba tsarā ya dem wene. Kashilā ka yan t̄a ukuna u nala vi gbā adama a d̄e.

<sup>21</sup> Gogo-na i wushuku t̄a n Kashilā adama a Kawauwi. Kpam adama a d̄a Kashilā ka 'yangasa yi a ukpā u nākā yi kpam tsupige, ya wushuku t̄a kpam i zuwa uma a asu u Kashilā.

<sup>22</sup> Gogo-na u gan t̄a i cigi atoku a d̄e n uciga u mayun, tyoku d̄a aza d̄a a'ari ilimaci i te a tsu cigangbana. A wulukpe d̄a t̄a an i wushuki n Kadyanshi ka Shinga, ukuna u maci u d̄a. Adama a nala, i cigangbana cika, n ucira u atakasuvu a d̄e.

<sup>23</sup> Kashilā ka zuwa t̄a a doku a matsa d̄a ilimaci i savu. Uma u savu u d̄e a asu u isheku i d̄e u d̄a u wutai wa, kpaci uma u d̄a ele a nākā d̄a, wa kotso t̄a a ukpā. Shegai uma u savu u na wa rongo t̄a pini bawu makorishi, kpaci u wutā t̄a a asuvu a kadyanshi ka uma u Kashilā, uma u nala vi kpam u d̄a wa kotso wa.

<sup>24</sup> Matsumate ma korongu t̄a:

“Ama gbā a'a t̄a tyoku u mete ma ma tsu laza ma kuwā;

tsulobo tsu le kpam tsu laza tsu kotso tyoku u tsulobo tsu apalu a kakamba.

Mete mi ma ekpe,

aku apalu a rukpā a iyamba.

<sup>25</sup> Shegai kadyanshi ka Magono ma Zuba ka kotso wa.” ◇

Kadyanshi ka Magono ma Zuba ka nala ki, ka gai Kadyanshi ka Shinga ka tsa tonuko d̄a na vi.

## 2

<sup>1</sup> Adama a nala, u *kaṅa* *tā* i varangu *gbā* *ikuna* i cingi i'ya ya yansa. I *asaka* *uyinsa* ama. *Asakai* u *dansaka* kaci ka *de* aza a shinga *kpam* nala i'ari wa. *Kotsu* i *yain* *malyon* ko *kpam* i *yain* *kadyanshi* ka ka *ḡala* aza roku wa.

<sup>2</sup> U *kaṅa* *tā* i *yain* *maluwa* ma *uso* *mani* ma *maṛi* *uwulukpi* ma *kulu*, *tsara* i *gbonguro* n *ucira* u *maci* u *iwauwi*. *Sayi* *adama* a *mani* mi *tyoku* *da* *baba* *tsu* *saka* *mani*,

<sup>3</sup> *kpaci* i *pede* *de* *ukuna* u *shinga* u *Yesu* *Asheku*.

### *Katali ka uma*

<sup>4</sup> *Tuwa* *ara* *Yesu* *Asheku* *Katali* ka *uma*. *Ama* *ushani* a 'yuwan *yi* *tā*, *shegai* *Kashila* ka *dangasa* *yi* *kpam* wa *ciga* *yi* *tā* *cika*.

<sup>5</sup> *Eda* *dem* *tyoku* u *ne* *da* i'ari. *Eda* *atali* a *uma* a *da* *Kashila* ka *yanka* *manyen* *tsara* u *mai* *kuwa* *ku* *tsugono* *tsu* *ne* a *asuvu* a *de*. *Eda* *dem* *kaḡolo* ka *adarakpi* a *uwulukpi* a *da* i'ari, *tsara* i *yansa* *udarakpa* u *kulu* u *da* wa *zuwa* *Kashila* ka *pana* *kayanyan* *adama* a *Yesu* *Kawauwi*.

<sup>6</sup> *Kadyanshi* ka *Kashila* ka *tonuko* *tsu* *tā* *ukuna* u na *vi*:

“*Wundyai!* *Ma* *zuwuka* *da* *tā* *katali*

ka ka *lakai* *kalen* *cika* a *asu* u *kuma* a *Sihiyona*†\*

ka n *dangasai* *kpam* ka n *lakai* *uciga*.

*Gba* *uza* *da* *baci* u *wushuki* n *eyi*, wa *yan* *uwono* *wa.*” ◇

<sup>7</sup> *Mayun* *da*, *aya* *macigi* ma *de*, *eda* *aza* *da* i *wushuki* n *eyi*. *Shegai* *aza* *da* a 'yuwan *yi*,  
“*Katali* ka *aza* a *kuma* a 'yuwain

\* **2:6** *Sihiyona* *kala* ka *dem* ka *Urishelima*. ◇ **2:6** *Isha*. 28:16.

ka ka lakai cika a asu u kuma.” ◇

<sup>8</sup> Kadyanshi ka Kashilā ka dana tā dem,  
“Aya katali ka ka tsu zuwa ama a taḍatsa,  
katali ka ka zuwa urukpa.” ◇

A tsu taḍatsa tā kpaci a tsu pana kadyanshi ka Kashilā a naḳa ka karinga wa, kpaci nala Kashilā ka foḅusuko le.

<sup>9</sup> Shegai eḍa i'a tyoku u ama a nala yi wa, kpaci eḍa kaletsu ka ka Kashilā ka dangasai ka. Eḍa kaḅolo ka aḍaraḳpi a ḍa a gbashikai Kashilā yavu Magono, eḍa ama a uwulukpi u ḍa, kpam eḍa kaletsu ka Kashilā ka. Kashilā ka wutukpa ḍa tā a asuvu a karimbi u tuko ḍa a asu u katyashi ka ne. Gogo-na u kaṅa tā i dansa gba manyan ma pige ma pige ma u yansai. Kadyanshi ka Kashilā ka dana tā,

<sup>10</sup> “Caupa, eḍa kaletsu ka wa;

shegai gogo-na eḍa kaletsu ka Kashilā ka.

Caupa i'ari i wusha asuvayali a Kashilā wa;  
shegai gogo-na i wusha tā asuvayali a ne.” ◇

<sup>11</sup> Ama a va, eḍa amoci a ḍa pini na kpam aza a kugengu. N rono ḍa tā atsuvu kotsu i toni uciga u ili i cingi wa, kpaci a tsu shilakana tā n uma u mayun u de.

<sup>12</sup> Kiranai n tyoku ḍa ya rongo n atoku a de aza ḍa bawu a'ari atoni. Ko a takunku ḍa baci unyushi, eḍa gai i wenike le ahali a shinga. A ka wushuku tā kpam a naḳa Kashilā tsupige u tuwa baci u yanka likimba afada.

### *Gorimukoi azapige a de*

---

◇ 2:7 Ishp. 118:22. ◇ 2:8 Isha. 8:14. ◇ 2:10 Hos. 1:6, 9; Hos. 2:23.

<sup>13</sup> Kashilā ka ciga dā tā i gorimuko gbā aza a tsupige. Gorimukoi aza a tsugono,

<sup>14</sup> n azapige a dā dem u tsu suku. Yansai nala kpaci magono ma suku le tā tsarā a foro gbā uza dā baci u nusai, kpam u suku le tā tsarā a nākā uza dā yain ili i maci tsupige.

<sup>15</sup> Kashilā ka ciga dā tā i yain ili i shinga, kpam i yan baci, ya zuwa tā atengeshi a ama dā a tsu takunkusu dā unyushi a pada bini.

<sup>16</sup> Edā agbashi a dā wa; i tsarā de kaci ka de. Shegai utsarā u kaci u de u nākā ucira u dā ya yan ili i cingi wa. I tsarā tā kaci ka de tsarā i woko tyoku u agbashi a Kashilā.

<sup>17</sup> Nākai ya dem karingā kpam i wenike uciga u maci a asu u ama a Kashilā. Nākai Kashilā tsupige kpam i gorimuko magono.

<sup>18</sup> Agbashi, u kana tā i gorimuko azakuwa a de kpam i nākā le karingā kain dem. Yanyi nala a asu u aza a shinga n aza a ahali a maci, u kana tā dem i yain nala a asu u aza a asuvu a shen.

<sup>19</sup> Uza yan baci unyushi wa, aku u kawunki upana u ikyamba u ili i'ya bawu u yain adama a dā u revei Kashilā, Kashilā ka pana tā kayanyan ka ne.

<sup>20</sup> I lekede ili wa a lapa dā baci adama a unyushi u dā i yain. Shegai Kashilā ka zuwuka dā tā unā u shinga i pana baci ikyamba a asu u uyan ukuna u shinga.

<sup>21</sup> Kawauwi ka iryoci i de, u pana tā ikyamba adama a de. Tono i dem nala. Upana u ikyamba wā tā a asuvu a ili i'ya Kashilā ka zuwa tsu tsu pana. Kadyanshi ka Kashilā ka dana tā:

<sup>22</sup> “Kawauwi ka yan unyushi u cingi wa,



kpam u yinsā uza wa.” ◇

<sup>23</sup> An ama a wisha yi, u tsupa wa. An a zuwa yi u pana ikyamba, u dana ele dem a pana ikyamba wa. U zuwa tā kaci ka ne a akere a Kashilā uza da u tsu yan afada a maci.

<sup>24</sup> Eyi n kaci ka ne u bidya tā unyushi u cingi u tsunu a ikyamba i ne a mawandamgbani tsara tsu 'yuwan uyan unyushi, kpam tsu rongo n ili i shinga. A tanasa da tā adama a a'utsu a ne!

<sup>25</sup> Caupa i'ari tā a kugengu tyoku u ncon n da n puwain. Shegai gogo-na i gono de a asu u Kaliniki ka de, uza da wa guba uma u de.

### 3

#### *Tyoku da a tsu yan a asuvu a iyolo*

<sup>1</sup> Eda aka she i gorimuko a'ali a de. Ko a'ali a roku a 'yuwain baci uwushuku n Kadyanshi ka Shinga ki, uma u shinga u de wa pura tā ugboji u le kapala n kadyanshi ka roku.

<sup>2</sup> Yan da a ka yan nala an a wenei uma u shinga n u maci u da ya rongo.

<sup>3</sup> Kotsu i matsa i lobono a uwene a a'eshi a aza roku wa. Kotsu i dambula kaci ka de n kuca ku kenji ushani wa, ko ili i udyoku i ikebe wa, ko aminya a ikebe a shinga wa.

<sup>4</sup> Nala wa. U la tā tsulobo a reve vu n tsulobo tsa tsa wuta a katakasuvu ka vunu. Tsulobo tsu nala tsi tsu tsu wuta tā a asu u uvakunku u kaci n ukanā u kaci n kakirani. Wa tā n kalen cika a asu u Kashilā kpam wa kotso wa.

---

◇ 2:22 Isha. 53:9.

<sup>5</sup> Tyoku da gai aka a uwulukpi a caupa a gonukoi kaci ka le n tsulobo u da la vi. A wushuku ta n Kashila kpm a ka gorimuko a'ali a le.

<sup>6</sup> Hal gai Saratu,† u gorimuko ta vali u ne Ibrahi, an u isa yi uzakuwa u ne. Eda nkere n ne n da, ya yan baci ukuna u shinga kotsu i asaka uwonvo u bishinka da uyan ili wa.

<sup>7</sup> Nala dem a'ali, u gan ta i wundi aka a de n karinga. I toni n ele mai tyoku da ya rongo kaolo. Kotsu i ciba an i la le n ucira. I reve kpm an ele dem a wushai kune ku shinga ku uma u Kashila. Ya ciga baci ko i te i kangu kavasuu ka de ubana a asu u Kashila wa, she i yain nala.

### *Rongoi mai a asuvu a de*

<sup>8</sup> Gogo-na gba de she i wushuku n atoku a de, i kirana n i'ya ya tsarasa atoku a de. I cigamgbana yavu uza n vangu u da i'ari. I pana asuvayali a atoku, i vakunku kaci ka de.

<sup>9</sup> Uza u yanka da baci ukuna u cingi, kotsu i yanka yi dem ukuna u cingi wa. Uza roku tonuko da baci kagbani, kotsu i gonuko yi n kagbani wa. Nala gita baci, i zuwuka icun i ama a nala yi unu u shinga. Yanyi nala kpaci Kashila ka isa da ta tsara i zuwuka ama unu u shinga. Kpm eda dem Kashila ka zuwuka da ta unu u shinga.

<sup>10</sup> Kadyanshi ka Kashila ka dana ta,  
 “Uza wa ciga baci u rongo n mazanga  
 n a'ayin a shinga,  
 u kana ta u kirana n kaletsu ka ne a asu u udansa  
 kadyanshi ka gbani.

U kirana kpm n unu u ne a asu u uyansa ka ban.

11 U k̄an̄a t̄a u suma uyansa ukuna u cingi, u gono u yansa ukuna u maci.

U maṣṣa u wene u rongo n ya dem n̄a ndishi n shinga.

12 A'eshi a Magono ma Zuba a ka wundya t̄a aza ḍa a ka yansa ukuna u shinga.

Kpam atsuvu a ne a'ḗ t̄a ukukpi tsara u panaka le a yan baci kavasū.

Shegai u tsu kpatalaka t̄a aza ḍa a tsu yansa ukuna u cingi kucina.” ◊

13-14 Ya wa yanka ḍa ukuna u cingi i'ḗ baci ufoḅusi i yanka le ukuna u shinga? Shegai a ka yan ḍa baci mavura an ya yansa ukuna u maci, kotsu i pana uwonvo wa kpam kotsu i namgba asuvu wa. Kashila ka naka ḍa t̄a katsupi ka ya yansa ukuna u ḍa wari u shinga.

15 A un̄a u ḍa ya dambula a asuvu a ḍe, she i lyaka Kawauwi kayala tyoku u Asheku n katakasuvu ka ḍe. I rongo ufoḅusi u ḍa ya wushunku uza ḍa baci dem u wece ḍa i tonuko yi ili i'ya i zuwai i'ari n uzuwa u uma. Kpam u k̄an̄a t̄a i yain u ḍa sawu n̄a unaka tsupige.

16 I rongo n atakasuvu a ḍe sarara. Pini nala, ama a dansa baci kagbani a kaci ka ḍe, a ka woko t̄a n uwono a wene baci uma u shinga u ḍa ya rongo an i'ari aza a Kawauwi.

17 Ciḅai, u la t̄a tsulobo i yain ukuna u shinga i pana ikyamba, Kashila ka baci ka cigai u ḍa nala. I pana baci ikyamba nala, u la t̄a tsulobo n u ḍa ya pana ikyamba an i yain ukuna u cingi.

<sup>18</sup> Kawauwi ka pana t̄a dem ikyamba an u kuw̄ai adama a unyushi u cingi u tsunu, kpam wa doku wa yan nala wa. U yan unyushi u cingi wa, shegai u kuw̄a t̄a adama a aza a unyushi u cingi tsar̄a u tuko tsu a asu u Kashil̄a. Ikyamba i ne i kuw̄a t̄a, shegai a 'yanḡasa yi n ucira u Kulu Keri.

<sup>19</sup> Aku ku zuwa yi u ba u yankai a'ulu a akushe a d̄a a'ar̄i a kuwa ku a'ali kuḅari.

<sup>20</sup> Ama a na yi a 'yuwan t̄a upan̄aka Kashil̄a a'ayin a d̄a Nuhu wa yan kpatsu. Shegai Kashil̄a ka yan t̄a ahankuri n ele. Ama kull̄a a uwa t̄a pini a kpatsu ki, aku Kashil̄a ka wauwa le a mini mi.

<sup>21</sup> Mini ma nala mi ma woko t̄a yavu ulyuḅugu u d̄a wa wauwa d̄a gogo-na. Shegai ulyuḅugu u uz̄a u ashinda a ikyamba u d̄a wa. U ukpatala ubana a asu u Kashil̄a n katakasuvu ka d̄e sarara d̄a, kpaci a 'yanḡasa t̄a Yesu Kawauwi a ukp̄a.

<sup>22</sup> Gogo-na Kawauwi k̄a t̄a a zuba ndishi a kukere ku ulyaki ku Kashil̄a. Gb̄a atsumate a zuba n ucira kau-kau u zuba n gb̄a ityoni i cingi u kaṅa t̄a a pan̄aka yi.

## 4

### *Ya dem yain tyoku u Kawauwi*

<sup>1</sup> An u wokoi Kawauwi ka panai ikyamba n ikyamba i ne, ed̄a dem she i fobuso i yain nala. Ili i'ya i zuwai tani i'ya, i wushuku baci ya pana ikyamba adama a Kawauwi, uyan u unyushi u cingi u d̄a la vi ya suma.

<sup>2</sup> Nala kpam ya tonu upana u kayanyan u cingi u ikyamba i d̄e wa. Shegai ya yanka t̄a gb̄a uma u d̄e manyan i yain i'ya Kashil̄a ka ciga.

<sup>3</sup> I'ari i ɓarakpa ta n i yanyi ili i'ya aza da bawu a revei Kashila a ka yansa. Tsishankala tsu kabarikete, uciga u ili i cingi, i rongoi a kuso n i gutukpi, ya yansa kpam abiki a gbani hal n isoshi i kabarikete, i lyakai ameli kayala ili i'ya Kashila ka kovo.

<sup>4</sup> Aje a cau a de a yan ta majiyan an bawu ya bansa kpam n ele a asu u uyansa ukuna u gbani vi. Hal gbam a ka yansa kadyanshi ka gbani a kaci ka de adama a ukuna u nala vi.

<sup>5</sup> Shegai u kana ta a wushunku uza da wa tuwa u yanka ya dem afada, aza a uma n aza da a kuwai gba.

<sup>6</sup> Adama a nala, Yesu yanka ta aza da a kuwai vi kuɓari ku Kadyanshi ka Shinga. Ko an u wokoi a ka yanka le dem afada tyoku u ama da a buwai, yanka da u yanka le nala tsara a tsara a'ayin a da a ka kpatala a rongo a asuvu a uma tyoku da Kulu ku Kashila ku tonoi n ele.

<sup>7</sup> Ko ndya wa ya kotso ta na n a'ayin kenu. Adama a nala i vakunku asuvu a de, i kana kaci ka de tsara i yain kvasu.

<sup>8</sup> Gba ili i'ya gbam i lakai kalen i'ya, i lyai kelime n i weniki atoku a de uciga u maci. Ili i'ya kpam i zuwai i'ya, ya cimbusuka ta gba ikuna i cingi i kakuma i'ya a ka yanska da.

<sup>9</sup> U kana ta i wushi ama a a'uwa a de, kpam kotsu i yain tsali wa.

<sup>10</sup> Kashila ka naka ta ya dem kune icun kau-kau. U gan ta i yanka ili i'ya Kashila ka naka da manyan mai, tsara i wenike ukuna u shinga u Kashila a asu u ama.

<sup>11</sup> Avu uza da Kashila ka nakai kune ku kuɓari, vu yain ka yavu Kashila ka ka dansa a asuvu a vunu. Isa da a isa vu vu banga ama? Banga le n gba ucira u da Kashila ka naka vu. Pini nala, Kashila ka wusha ta tsupige tsu ili gba a asu u Yesu Kawauwi. Tsupige tsu Kashila tsu ta pini hal ubana bawu utyoku, nala kpam dem ucira u ne. Ami.

### *A ka yan da ta mavura*

<sup>12</sup> Ama a va, kotsu i yain majiyan an a ka kon-duso da n upana u ikyamba yavu i'ari a asuvu a akina wa. Kotsu i wene yavu ukuna u roku u da u savu wa.

<sup>13</sup> Wa laka da ta tsulobo i yain mazanga an eda dem i uwai a asuvu a upana u ikyamba u Kawauwi. Yansai nala ya tsara ta mazanga cika a'ayin a da baci a wenikei tsupige tsu ne.

<sup>14</sup> A yanka da baci kagbani adama a kala ka Kawauwi, i tsu la vi de unu u shinga, kpaci u wenike ta an tsupige tsu Kulu Keri ku Kashila tsari n ada.

<sup>15</sup> Mai da wari uza u pana ikyamba u wuna baci uma gbani gbani, ko uboku ko kpam ukuna u gbani u roku u da uza u yain. Nala dem wari, uza wa uwusa baci ukuna u ama kabarikete u gan ta u pana ikyamba.

<sup>16</sup> Nala wari wa, a ka yan da baci mavura an i'ari Atoni. Kotsu i pana uwono n upana u ikyamba u nala vi wa. Shegai i cikpala Kashila an i'ari n kala ka nala ki.

<sup>17</sup> Gogo-na da a'ayin a da Kashila ka gitafada a ne, kpam wa gitafada u yanka kuwa ku ne. Pini nala, a gitafada baci n tsu an tsari Atoni, ndya ya woko

makorishi ma aza da a 'yuwain upana Kadyanshi ka Shinga ka ne?

<sup>18</sup> Kadyanshi ka Kashila ka da,

“Iwauwi i tsu tuwa ta a asu u ama a shinga n upana u ikyamba, shegai ama da a 'yuwain upanaka Kashila kpam a tsu nususa, ama a na a ka la ta ama a shinga upana ikyamba.” ◇

<sup>19</sup> Ili i'ya ukuna u na wa tonu u da: va pana baci ikyamba tyoku da Kashila ka ciga, vu lyai kelime n unaka kaci ka vunu a asu Kashila uza da yan vu. Vu lyai kpam kelime n uyansa ili i shinga, wa banga vu ta. Mayun, wa kpa da vu ubanga wa.

## 5

### *Uwenishike ubana a asu u nkoshi*

<sup>1</sup> Gogo-na nkoshi ma Atoni n da ma dansaka. Mpa dem makoshi ma kpam n wene ta upana u ikyamba u Kirisiti Kawauwi. Ma tonu yi ta a tsupige tsu ne n karinga ka ne u gono baci.

<sup>2</sup> Tyoku da aliniki a tsu kirana na ncon n le, nala dem u gain i kirana n gba ko ya baci Kashila ka zuwai a akere a de. I yain u da n uciga u de, kotsu i yain tsali an ya yan u da wa. I yain nala an ya pana kayanyan ka ugbashika Kashila. Kotsu i yain nala n i zuwi uma a ili i likimba i'ya ya tuwa da wa.

<sup>3</sup> Kotsu i gonuko kaci ka de azapige hal n i baranasi ama kabarikete wa, shegai i gonuko kaci ka de i woko iryoci i shinga.

<sup>4</sup> Nala kpam, Magono ma Aliniki ma tuwa baci, wa naka da ta funi u tsupige u da bawu wa kporo.

### *Uwenishike ubana a asu u alobu*

---

◇ 4:18 Tzg. 11:31.

<sup>5</sup> Eḏa alobo, panai karinga ka nkoshi. Gba de kpm she i ɓangamgbana yavu agbashi a da a vakunki kaci ka le, kpaci

“Kashila ka 'yuwan ta aza da a'ari n aradi, u nakai kpm ukuna u shinga u ne a asu u aza da a vakunki kaci ka le.” ◇

<sup>6</sup> Adama a nala, i vakunku kaci ka de a ucira u Kashila. A'ayin a da baci a'ayin a ne a tuwai, wa radagba da ta a zuba.

<sup>7</sup> Tsunki Kashila gba ili i'ya ya bala da, kpaci wa kirana ta n ada.

<sup>8</sup> Kain dem i rongo a uwundya n afofi. Kalapansi ka utokulalu u de, kpm aya pini wa genge tyoku u gabako wa bolo uza da wa kana tsara u takuma. <sup>9</sup> Shamgbai n ucira a ili i'ya i wushuki n i'ya, nala ya yan i lyai kaci ka ne n ucira. U gan ta i reve, gba Atoni a Asheku ko nte wa a likimba a ka pana ta icun i upana u ikyamba u na vi.

<sup>10</sup> A'ayin a da baci i panai ikyamba kenu, Kashila ka kirana ta n ada, kpm u zuwa atakasuvu a de a gbama, wa zuwa da ta kpm i shamgba n ucira. Yan da Kashila ka tsu yan nala adama a da wari uza u shinga a'ayin dem. U zuwa da ta i tsara tsupige tsu ne bawu utyoku a asu u da u bolomgbono da n Kawauwi.

<sup>11</sup> Kashila ka lya ta tsugono tsu ko ndya wa hal ubana bawu utyoku. Ami.

### *Idyani*

<sup>12</sup> Ma wundya ta Sila tyoku u utoku kpm uza da n wushuki n eyi. U banga mu ta a asu u ukorongu maku ma ukanikorongi u na vi. Ili i'ya i zuwai n

---

◇ 5:5 Tzg. 3:34.



korongi u ɗa i'ya, tsara n gbamatangu ɗa, kpam n tonuko ɗa tyoku ɗa Kashila kari uza u shinga, adama a ɗa kain dem i rongo uwushukusu n eyi.

<sup>13</sup> Atoni a Babilat\* a ka sukunku ɗa ta idyani. Kashila ka dangasa le ta dem tyoku ɗa u dangasa ɗa. Maku ma va dem Marku wa danasa ɗa ta.

<sup>14</sup> Damamgbanai a asuvu a uciga u Atoni. Kvasu ka va ka Kashila ka naka ɗa ndishi n shinga, eda aza ɗa i'ari aza a Kirisiti Kawauwi.

---

\* **5:13** Arevi a Tagarada u Kashila a wushuku ta an Bituru yankai “Babila” manyan tsara u yain kadyanshi a kaci ka ilyuci i Roma.

**Kazuwamgbani ka savu n Tsikimba n a6on a  
da a dangasai a kazuwamgbani ka cau  
New Testament in Tsikimba (NI:kdl:Tsikimba)**

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tsikimba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files  
dated 29 Jan 2022

a4f6a28b-3d6d-50b4-a81b-06ae05a66010